

# سلسلة السيرة النبوية -الدرس الخامس والعشرون والأخير- وفاة

النبى ﷺ

أحمد عامر

الحمد لله والصلاة والسلام على رسول الله صلى الله عليه وسلم. النهاردة ايه مع الحلقة الاخيرة المشهد الختامي احنا كنا واقفين فين

اه في حجة الوداع صح كده والنبى صلى الله عليه وسلم كل المسلمين اللي قدروا يخرجوا من القبائل كلها - [00:00:00](#)

عدوهم اكثر من مية وعشرين الف صحابي وقبائل وبطون العرب كلها وبعد كده النبى صلى الله عليه وسلم آآ رجع تاني المدينة رجع بالانصار المدينة كان لي مواقف بقول لك في الحج كتير واغلبها مواقف فقهية وعرفنا الحج من النبى صلى الله عليه وسلم كان عمل

ايه - [00:00:23](#)

اه بتفاصيله يعني آآ والنبى صلى الله عليه وسلم طبعا القى آآ في الحج خطب كتيرة ونصايح كتيرة للامة ودي حاجات كلها اتكلمنا

فيها. رجع النبى صلى الله عليه وسلم المدينة - [00:00:47](#)

اه النهاردة هنتكلم عن الايام الاخيرة في حياة النبى صلى الله عليه وسلم. خلاص هنبداً منين؟ هنبداً ان النبى صلى الله عليه وسلم اه

نزلت سورة النصر نزلت صورة النصر - [00:00:59](#)

اذا جاء نصر الله والفتح ورأيت الناس يدخلون في دين الله افواجا فسيح بحمد ربك واستغفره انه كان توابا. السيدة عائشة تقول

النبى صلى الله عليه وسلم كان في ركوع - [00:01:14](#)

وفي السجود ربنا قال له ايه؟ فسبح بحمد ربك واستغفره النبى صلى الله عليه وسلم كان يقول سبحانك آآ سبحانك اللهم وبحمدك

ربي اغفر لي وتقول كان يتأول القرآن. ربنا قال لي اعمل كده فبدأ يعمل كده - [00:01:26](#)

فسيدينا عمر قاعد مع الصحابة في مرة وبيسألهم ماذا تقولون في هذه السورة؟ يعني ايه ايه خواطركم؟ ايه تفسيركم في الصورة دي

آآ يعني كله قال الكلام الظاهر او البادئ من من الصورة يعني الا سيدينا ابن عباس اللي هو اصلا النبى صلى الله عليه وسلم -

[00:01:39](#)

دعا له اللهم ايه؟ علمه التأويل. فقهه في الدين وعلمه التأويل. فسيدينا عباس كان يعني اعظم المفسرين يعني فسيدينا ابن عباس قال

هذا نعي رسول الله هذا نعي رسول الله. نعي يعني ايه يا جماعة - [00:02:03](#)

اي نعم اللي بيعرفه انه هيموت لا انا عايش معناها بيعرفوا انه يموت. اه. لان انت انا عايش اقول لك في حد هيموت. ما فيش حد

اصلا بيعمل كده. ما فيش حد يعرف حد من ساعات ما يموت. ربنا يخليك. ان هو - [00:02:19](#)

هو اصلا خلاص. يعني موضوع الوفاة بيعلن. ربنا بيقول في السورة دي شف سيدينا عباس يعني سبحان الله! ازاى قرا ده من السورة

حاجة عجيبة. ربنا بيقول له ايه؟ انه دي اخر ايامك خلاص - [00:02:34](#)

الفتح جه والنصر جه والعرب كلهم اسلموا فالرسالة انتهت لان دورك انتهى. فيعمل ايه بقى؟ ربنا بيقول له ايه؟ سبح بقى واستغفر.

يعني اواخر حياتك استغفر خلاص هو فكرة الاستغفار في الخواتيم دي حاجة اسر عندنا. يعني انت هتخلص الصلاة وتستغفر -

[00:02:48](#)

فكرة الاستغفار في اخر العمل دي من الحاجات اللي احنا متعودين عليها. فربنا بيقول النبى صلى الله عليه وسلم يعمل كده عباس

فهم ده فدي كانت ايه مقدمات الموضوع صورة النصر لما نزلت. مقدرات الموضوع. النبى صلى الله عليه وسلم اخر السنة دي رمضان

لما جاء اعتكف النبي صلى الله عليه وسلم زي ما بنعتكف. بس اعتكف في عشرين يوم يعني العهد النبي صلى الله عليه وسلم

بيعتكف العشر الاوائل. اعتكف في رمضان ده عشرين يوم. كتر في الاعتكاف - 00:03:29

زود في الايام يعني عارف لما انت تبقى حاسس ان انا ايه آآ ده ممكن يبقى اخر رمضان لي فيزود النبي صلى الله عليه وسلم زود الاعمال. اعتكف عشرين يوم. وسيدنا جبريل العادي بتاعه زي برضو سيدنا عباس هو اللي حكى الحديث ده ان النبي صلى الله عليه

وسلم كان كان - 00:03:44

اجود ما يكون ان هو كان بيتصدق والنبي صلى الله عليه وسلم كان كان كريم جدا انما في رمضان كان جبريل يدارسه القرآن كان يكون في رمضان اجود من الريح المرسله. يعني آآ بيتكلم سيدنا عباس عن ازاي هو كان في رمضان بيطلع صدقة اكثر من العادة؟

بس قال في النص ان - 00:04:01

رمضان كان النبي صلى الله عليه وسلم كان بيحصل له ايه؟ بيتدارس القرآن مع سيدنا جبريل. ولازم تبقى عارف ان رمضان شهر مدرسة القرآن مش شهر قراية القرآن. كون بقى ان انت ما بتقراش القرآن فما وصلتش للمرحلة دي مشكلة. يعني المفروض نقرا قرآن

في العادي وفي رمضان نعمل ايه - 00:04:20

نركز مع القرآن نتدارس القرآن. نخش آآ جوة القرآن ونتعمق انما في العادي بنقرا ونصلي العادي اللي هو احنا في رمضان بنيجي نعمله. طب وفي غير رمضان احنا اصلا مش موجودين. فاحنا عندنا مشكلة يعني. فسيدنا جبريل كان يعني ايه يتدارس؟ يعني يراجع

مع النبي وسلم القرآن - 00:04:37

يفهموا القرآن يعلموا حاجات في القرآن. فسيدنا جبريل في السنة دي النبي صلى الله عليه وسلم راجع له تدارس معه القرآن مرتين. خالص معه القرآن والنبي صلى الله عليه وسلم في رمضان ده النبي صلى الله عليه وسلم كان بيقرأ الصحابة عارفين فكرة السند -

00:04:56

ان الواحد ياخذ اجازة فده علمه اللي علمه فوق لحد ما اللي بيعلمه الصحابي طب الصحابي ده اتعلم من مين؟ من النبي صلى الله

عليه وسلم النبي صلى الله عليه وسلم في ناس قرأوا عليه القرآن - 00:05:16

في السنة دي النبي صلى الله عليه وسلم آآ قرأ على الصحابة مرة واكثر من مرة كمان كأنه بيجهز يعني صلى الله عليه وسلم فده كان اخر رمضان في حياة النبي صلى الله عليه وسلم. آآ وبعد كده النبي صلى الله عليه وسلم آآ زار البقيع. اللي هي المدافن بتاعة -

00:05:26

اللي في المدينة. حد راح البقيع مكان جميل جدا يعني سبحان الله. مكان فعلا جميل جدا جدا. وقال اني قد امرت ان استغفر لاهل

البقيع والله رايح ادعي لهم. تتطلق معي. بيقول لاحد الصحابة يعني كده. فانطلقت معه فلما وقف قال ايه؟ السلام عليكم يا اهل

المقابر. حكى للنبي صلى الله عليه وسلم. قال - 00:05:46

اهنيكم ما اصبحتم فيه. بهنيهم على اللي هم فيه الصحابة اللي توفوا تعالوا الامة فيه لان يا جماعة وقت يعني لو انت من ربنا راضي

عنهم لما دنيتك تخلص انت بتبدأ تلم بقى في الجوايز والحسنات والجزاء - 00:06:08

اهالي القبور في حاجة اسمها نعيم قبر. بس انت اصلا مش بتفكر في النقطة دي حاجة اسمها العيب خضر يعني الواحد يبقى نفسي

نفسى انزل القبر عشان اشوف نعيم عمرك ما شفته في الدنيا - 00:06:26

فالنبي صلى الله عليه وسلم بيكلم اهل اهل المقابر اهل البقيع. وبيلم يعني ايه بيهنيهم على اللي هم فيه وبعد كده النبي صلى الله

عليه وسلم قال لو تعلمون ما نجاكم الله منه - 00:06:39

بيقول للصحابة دول ايه اللي توفوا دول؟ لو تعلمون ما انجاكم الله منه الدنيا فيها ايه بعد كده؟ قال ايه؟ اقبلت الفتن كقطع الليلى

المظلم يتبع اخرها اولها النبي صلى الله عليه وسلم بيقول لهم الدنيا الدنيا هتبدأ تصعب تصعب وفتن تظهر - 00:06:54

اه وبعد كده النبي صلى الله عليه وسلم رجع اه رجع بيته ازاي فبرضو زيارته لاهل البقيع واستغفاره لهم ودعاؤه لهم. برضو ايه تحس

انه هو النبي صلى الله عليه وسلم حاسس خلاص - [00:07:12](#)

وبعد كده النبي صلى الله عليه وسلم مرض النبي صلى الله عليه وسلم مرض. سلام عليكم. عليه الصلاة والسلام. تعب النبي صلى الله عليه وسلم وصداع شديد يجي له وهو يقعد يقول ايه ويا رأسه رأسي وجعاني ويا رأساه ويا رأساه فجاله صداع شديد للنبي صلى الله عليه وسلم - [00:07:32](#)

وكان تعبان جدا والصحابة شافوا ده وهم الصحابة نفسهم انت تعبان انت بتقعك انت انت مريض فالنبي صلى الله عليه وسلم قال لهم اجل اني اوعى كما يوعك الرجلان منكم. النبي - [00:07:52](#)

صلى الله عليه وسلم فهمهم انه تعامل ربنا معه مش زي يتعاملوا معنا في الابتلاء وقال النبي صلى الله عليه وسلم في موقف ثاني انه يبتلى المرأة على قدر دينه - [00:08:07](#)

واشد الناس بلاء للانبيا لما ربنا يبتلي في الدنيا هو يبتلي ليه اصلا؟ ربنا يبتلي لعبس مسلا لهو مسلا لاعب لأ. سبحان الله! ربنا يبتلي لان ده امتحان طب بيبتيك على قدر ايه؟ على قدرك - [00:08:18](#)

الله نفسا الا وسعها. مش هيديك حاجة انت ما تقدرش عليها. وهو يعلم وسعك تماما هو يعلم اللي انت ما تعلمهوش عنك اصلا فلما ربنا يبتلي واحد لازم الانسان ده يفهم انه كل الناس بتبتلى - [00:08:37](#)

اشمعنى انا يا رب ليه انا يا رب انت انت فاكرك اللي بيتكلم كده ده برضو متخيل انه ما فيش في الحياة دي غيره يعني هو شايف هو مش شايف غيره في الدنيا. فاشمعنا انا هو انت اصلا ولا حاجة - [00:08:53](#)

انت واحد من الخلق المليارات وبتبتلى زي ما الكل يبتلى ولو ابتلاءك ده شديد دي اصلا مش حاجة وحشة يعني اول حاجة لازم تفهم هو بيبتيك ليه العجز تفهم انه كله كده. يعني ربنا يقول انه تبارك الذي بيده الملك وهو على كل شيء قدير. مين ربنا؟ الذي ايه؟ خلق الموت والحياة ليبلوكم - [00:09:03](#)

فلازم تفهم هو بيبتيك ليه؟ لازم تفهم كله يبتلى لازم تفهم انه الابتلاء ده مش حاجة وحشة النبي صلى الله عليه وسلم قال اشد الناس بلاء الانبياء. اللي هم احب يعني منك مليون مرة عند ربنا - [00:09:27](#)

اشد النسبة الانبياء وقال النبي صلى الله عليه وسلم ايه اني وعدت كما يوعك الرجلان منكم فانت لما مبتلى من ربنا ما تفهمش غلط فما تزعلش اه ما هواش الابتلاء نفسه مش مريح. في حاجة ثانية. بس ابقى فاهم ايه اللي بيحصل لي. مين اللي بيعمل فيا كده؟ ليه بيعمل فيا كده؟ عملت في مين كده - [00:09:41](#)

والنبي صلى الله عليه وسلم وهو آآ وبدأ مرضه يشند عليه فكان قاعد في بيت احد زوجاته فهو استأذن انه ايه انه بيمرض في بيت عائشة يعني استأذن ليه يعني مش هو ممكن يقول ودوني وخلص وكده. العدل بقى. النبي صلى الله عليه وسلم عنده زوجات وكل واحدة لها وقت. فاستأذن الزوجات انه يمر - [00:10:03](#)

في بيت عائشة. شف النبي صلى الله عليه وسلم بيتعامل ازاى مع الناس فاستأذن انه يمرض في بيت السيدة عائشة. فوافقوا طبعاً. فراح النبي صلى الله عليه وسلم في بيت السيدة عائشة وكان تعبان وكانوا - [00:10:28](#)

اه معايا وبعد كده قال لها قال للسيدة عائشة جملة؟ قال لها يا عائشة لا زلت اجد الم الطعام الذي اكلت بخير يا جماعة الموقف ده ولا ناسيه؟ فاكرين لما قلنا انه اليهود حاولوا يسموا النبي صلى الله عليه وسلم حاولوا يسموا النبي صلى الله عليه وسلم - [00:10:43](#)

ولما اكل منها وان سيدنا جبريل نبهه والنبي صلى الله عليه وسلم قام ومشى ولما كانوا عايزين يفتالوه يرموا الصخرة عليه فاكرين المواقف دي؟ فبيقول انا انا حاسس انا حاسس بالم يعني لسة حاسس بطعم السم ده. عشان كده في ناس كتير من - [00:11:04](#)

من العلماء بيقولوا ان ده اصلا آآ سبب وفاته يعني يعني اثر السم فضل في جسمه وهكذا يعني بس ايا كان يعني. بس هو قال لها كده دلوقتي. فالنبي صلى الله عليه وسلم وراسه واجعاه جدا والنبي صلى الله عليه وسلم حاسس ان هو مش مرتاح وبطنه - [00:11:22](#)

جدا وقاعد بيمرض في بيت مين؟ السيدة عائشة. قعد كم يوم عشان تبقى فاهم بس احنا نتكلم عن قد ايه؟ تلتاشر يوم النبي صلى الله عليه وسلم وبعد كده لحد ما يتوفى تلتاشر يوم. احنا بنتكلم على تلتاشر يوم. فكل دي مشاهد عمالة تدور في وسط

التلاشر يوم دول - 00:11:36

اه وبعد كده النبي صلى الله عليه وسلم حرارته عدت. وطبعا الحرارة لما تعلق اتهمت جدا الجسم واتهمت جدا الانسان حرارته عليت جدا جدا وبدأوا يعني عارفين الكمادات. بدأوا ان هم آآ يعملوا له كمادات بس حرارته عليت جدا. الانسان لما حرارته بتعلق -

00:11:58

لو انت وصلت درجة حرارة اربعين مسلا المفروض تعمل ايه اه لازم بقى مش مش كمادات لازم تخش تترمي جوة البانيو ولو فوق

الاربعين تجيب تلج بقى يعني الموضوع فالنبي صلى الله عليه وسلم بدأوا يصبوا عليه مائة فعلا - 00:12:16

كثر ما حرارته عليت جدا وبدأوا يصبوا عليه مائة يصبوا عليه مائة احنا دلوقتي بنتكلم عن النبي صلى الله عليه وسلم وهو تعبان

جدا وموجوع جدا وحرارته عليت جدا آآ بس كان كل شوية بيقول لكم تلتاشر يوم عشان كده حبيت اقول دي - 00:12:33

كان النبي صلى الله عليه وسلم بييجي وقت الصلاة بيخرج يصلي فهو لسه قادر يقوم يمشي بس تعبان جدا ماشي فالنبي صلى الله

عليه وسلم قاعد مع الصحابة في يوم في مشهد من المشاهد بعد ما خلص صلاة - 00:12:48

وبعد كده قال لهم ان عبدا ان عبدا خيره الله بين الدنيا والاخرة اقترب عند الله ده جملة للنبي صلى الله عليه وسلم قالها ده كان

طريقته في الكلام عادة - 00:13:04

بيقول لهم مسلا تعس عبده الدرهم تعس عبده الدينار. يقول لهم مسلا نعم العبد لو كان كزا كزا. فهو هنا بيقول لهم ايه العبد لما ربنا

يخيره الدنيا والاخرة اختار ما عند الله - 00:13:20

فسيدنا ابو بكر قام قايم وقال فداك ابي وامي وقعد بيكي. فالصحابه مش فاهمين انت بتعمل ايه. يعني النبي صلى الله عليه وسلم

هنا هو مش بيحكي لهم موعزة كالعادة. هو بيكلمه - 00:13:34

نفسه بيقول لهم ايه؟ انا شايف ان انا هموت وحاسس ان انا قربت اموت وربنا خيرني وبيخيرني دايم بين الدنيا والاخرة وانا دايم

بختار اللي عند ربنا. فاهمين سيدنا ابو بكر لقي طيب؟ اه - 00:13:44

حاجة عجيبة جدا فالصحابه اصلا لما لاقوه عمل كده الصحابة نفسهم بدأوا ينهاروا سنة واكثر اتقطع النبي صلى الله عليه وسلم

عارفين لما واحد يقوم يعلق دلوقتي في الدرس حاجة ما لهاش لازمة كده وانت تضايق - 00:13:55

فسيدنا ابو بكر الصحابة الصحابة يعني كانه انت يعني انت ما ينفعش تقوم تتكلم فالنبي صلى الله عليه وسلم بدأ يدافع عن سيدنا

ابو بكر وقال كلام في حق سيده وقع يعني كلام كبير قوي - 00:14:07

اوي فعلا ما تسمعوا سلم قال لهم ايه؟ انه ما فيش حد فيكم كان له يدا عندي يدا عندي يعني ايه؟ ايدك. ايد دي حاجة بتساعد بها

فكأن انت عمال تقدم لي مساعدة فانت لك يد عندي. انت لك عندي ايدي. اسبريشن حلو يعني. فالنبي صلى الله عليه وسلم قال ايه؟

ما فيش حد كده الا كافأته عليها. يعني الا - 00:14:22

عملت ايه ردتها له واحسن طبعا قال النبي صلى الله عليه وسلم الا ابو بكر يعني النبي صلى الله عليه وسلم يقول سيدنا ابو بكر عمل

له كمية حاجات وقف جنبه في كمية مواقف بيقول انا ما ردتلوش ما - 00:14:42

ولا ايه فتركنا مكافأته لله. ربنا بقى اللي يكافئه على اللي عمله ده. تخيل لما النبي صلى الله عليه وسلم يقول كده على واحد يعني

احنا دايمنا نقعد نقول ايه يا جماعة - 00:14:57

انت مقصر مع ربنا اه طبعا احنا مقصرين. اه طبعا احنا مقصرين. صح؟ احنا محتاجين نبقي احسن. هنا سيدنا النبي صلى الله عليه وسلم

والسلام بيقول ايه؟ ده مش مقصر تماما. فاهم؟ ده عامل حاجات اصلا مش - 00:15:08

عارفين نوافيها انت متخيل؟ عارف لما تقول لنفسك انا كويس كده اللي هي اللي هي يعني وهم. سيدنا ابو بكر وصل للمرحلة دي كم

فسبحان الله يعني والنبي صلى الله عليه وسلم - 00:15:18

بعد كده قال للصحابه حاجة غريبة اوي. قال ايه؟ من كانت من كنت جلدت له ظهرها فهذا ظهري فليستقض منه يعني لو انا ظلمت حد

تعال خد مظلمتك. تخيل النبي صلى الله عليه وسلم بيتكلم كده. في حاجات كده تفهمك فعلا فعلا حقيقة النبي صلى الله عليه وسلم

شاييف نفسه ازاي - 00:15:32

الجملة دي ما تتقالش ما تتقالش من واحد شاييف نفسه فاهم يعني انا مسلا ايه انا شاييف نفسي آآ احسن من ده او ده شاييف نفسه احسن من ده في واحد شاييف نفسه احسن من كل الناس. في واحد هو فعلا احسن من كل الناس. بس شاييف نفسه - 00:15:53  
عادي زيه زي الناس عادي جدا تحس كده النبي صلى الله عليه وسلم كان له طريقة في التعامل مع الصحابة هو انت مش عارف انت كويس قد ايه؟ هو انت مش شاييف انت انت اخلاقك عاملة ازاي - 00:16:11

هو انت مش مش مش مدرك انت مكانتك عاملة ازاي ده فعلا يا جماعة هو ده فعلا الافتقار الحقيقي. هو ده فعلا التواضع الحقيقي احنا التواضع بتاعنا متكلف. فاهم يعني ايه متكلف - 00:16:24

يعني انت بتعمله عشان تبقى بتعمله بس انا من جوايا ايه لأ عادي انا انا النبي صلى الله عليه وسلم مش بيتكلف التواضع. هو فعلا شاييف نفسه كده. وهو يعني في حديس النبي صلى الله عليه وسلم بيقول بيقول انا سيد ولد ادم ولا فخر - 00:16:37  
يعني ايه ولا فخر دي يعني هو بيقول للصحابة ايه هنا هو بيقول لهم انا سيد ولد ادم هي كده ربنا خلق من بني ادمين وانا سايدهم هو ربنا هو بيقول لهم ماشي؟ وبعد كده يقوم قايل لي بعديها وانا فخر وانا مش وانا دي حاجة اصلا ازاي ولا فخر يعني - 00:16:53

انا لو سايب العمارة دي فاهم ليه؟ دي حقيقة حقيقة التواضع. انك فعلا ما تشوفش نفسك فاحنا في ليفل ايه احنا عايزين نبقي متواضعين. نتكلف دوت ده ليفل مش وحش. يعني اللي فاهم يعني ايه كبر ويعني ايه تواضع وببشوف ده في نفسه وعارف لو عملت ده بيقى هو ده فعل - 00:17:12

التواضع ده ليفل كويس بس فاهم انت النبي صلى الله عليه وسلم فين النبي صلى الله عليه وسلم بيقول لهم لو انا ظلمت حد يا جماعة يعني لازم تقوم حالا وتقتص - 00:17:35

حاجة فظيعة صلى الله عليه وسلم يعني وكل شوية النبي صلى الله عليه وسلم يخشوا حجرته يمرض يخرج للصلاة وكان كل ما يخرج للصلاة دايم النبي صلى الله عليه وسلم - 00:17:46

يبقى له نصيحة يوصي بحاجة لان هو هو شاييف انا خلاص بمرض وصورة النصر والكلام اللي قلناه في الاول فكان كل ما يخرج يتكلم مع الصحابة فتخيلوا النبي صلى الله عليه وسلم وصى الصحابة بايه؟ ايه اللي وصل لنا - 00:17:59

من الوصايا اللي قالها لهم في ايامه الاخيرة دي اه دي من الوصايا النبي صلى الله عليه وسلم قال الصلاة الصلاة بحلفكم قال وما ملكت ايمانكم. وما ملكت ايمانكم يعني انا بحلفكم بالصبر - 00:18:16

انا مش مشكلتي في ان النبي صلى الله عليه وسلم يوصي بالصلاة لان دي حاجة المفروض تحصل انا مشكلتي النبي صلى الله عليه وسلم بيوصي الصحابة دول بالصبر يعني ايه؟ لو النبي صلى الله عليه وسلم مسلا على مدار النبوة وصل لك في مرة انه قال يا جماعة الصلاة مهمة. ماشي - 00:18:30

لو النبي صلى الله عليه وسلم قعد معنا احنا ماشي انما النبي صلى الله عليه وسلم قاعد مع ابو بكر وعمر. وسيدنا عثمان وعلي وبيقول لهم الصلاة انتم فاهمين هو بيقول لمين ايه هو ده المش هو ده هو ده اللي انا - 00:18:46

انت دي ناس ما فوتتش فرض بمعنى الكلمة من ساعة ما اسلمت. يعني فاهم في ناس بتصلي صف اول من ساعة ما اسلمت في ناس بتبكي في الصلاة من ساعة ما اسلمت دي نسمة مش محتاجة يتقال لها كده. لما هي يتقال لها كده - 00:18:59

بيتقال لها كده ليه مش عشانهم عشان الصلاة نفسها الصلاة يعني ضخمة وعظيمة وحاجة يعني انت احنا مش متخيلين حجمها لدرجة ان هي لازم تتوصل لازم لازم اقولها بيقولها لمين مش مهم لمين مش مهم اللي انا بقولها له ده فين - 00:19:13

المهم انه يفهم كأن واحد مسلا هو اصلا بيعامل ابوه كويس جدا جدا جدا. جدا امه قبل ما تموت هتقول له ايه؟ هتقول له خلي بالك من ابوك. مش عشان هو بيعامله وحش - 00:19:31

عشان ابوه ده اهم حد عندها فالنبي صلى الله عليه وسلم وصيته للصحابة اللي هم مش محتاجين التوصية دي فعلا. النبي صلى الله عليه وسلم وصيته لهم الصلاة وانا بعد طول الفترة دي كلها من التعامل يعني والواحد بيحاول يزيبط ويلتزم ويقرا ما فيش حاجة اهم



في كتاب هنا في حته. يا فريد الانصاري عن كتاب اسمه الدين هو الصلاة انت لو بتصلي في في ان شاء الله امل انك انك تخش الجنة وتبقى كويس وحاجات كتير قوي. انت لو ما بتصليش الموضوع منتهي - 00:20:06

ومش ما بتصليش معناها بتفوت فرض. ما بتصلي معناها الصلاة اللي هي بصلي خمس صلوات. ده بعد ما اصليها خمس صلوات في الاوقات بتاعتها يعني النبي صلى الله عليه وسلم بيوصي بالصلاة دي يا جماعة حاجة تخليك تقول ايه ده! طب ما يوصي بالجهاد - 00:20:23

بالشرع اقامة الحكم الحاجات الكبيرة دي. صح؟ يوصي بايه؟ ما انت فكر معي برضو هو النبي صلى الله عليه وسلم اختار اهم الحاجات ووصى بها والنبي صلى الله عليه وسلم قال ايه؟ اوصيكم بالنساء - 00:20:38

حاجة عظيمة جدا يعني انا عايزك بس تراجع الكلام ده. لان النبي صلى الله عليه وسلم وصى بالصلاة عايزك تراجع الموضوع ده بالزات بقى رمضان جاي دلوقتي يعني لورا لو انت عندك مشكلة في الصلاة فالحاجة الوحيدة اللي لازم تخرج منها يعني ما ينفعش تخرج يعني ممكن تخرج باكثر بس قصدي ما ينفعش ما تبقاش تخرج بها - 00:20:54

ان انا الحمد لله بقيت من المصلين ده ده الف به اي واحد داخل رمضان ده فبقول لكم وصايا النبي صلى الله عليه وسلم كثيرة. ومنها النبي صلى الله عليه وسلم قال اوصيكم بالانصار - 00:21:18

دي الحاجات الجميلة قوي قال اوصيكم بالانصار لان الخلافة بعد كده هتروح ليمين تروح للمهاجرين فما تنسوش الانصار النبي صلى الله عليه وسلم يبحب الانصار جدا لو تلاحزوا في السيرة - 00:21:32

كمية كلام عن الانصار ومواقف مع الانصار وحبه للانصار يخليك تحس ان هو هو فعلا بيحبهم جدا وعلى فكرة النبي صلى الله عليه وسلم بيقول في احاديث ايه؟ حب الانصار من الايمان اهو. وبغض الانصار من النفاق - 00:21:47

لو في حد ما يبحبش الانصار ده منافق. هي هو النبي صلى الله عليه وسلم بقى موضوع الانصار ده هو بيحبهم جدا يا اختهم يعني طيب وبعد كده النبي صلى الله عليه وسلم تعب قوي لدرجة انه ما بقاش قادر يقوم - 00:22:01

خلاص هو كان بيخرج يصلي ويقعد النبي صلى الله عليه وسلم وصل لمرحلة ان هو هو مش قادر يقوم يصلي معهم وهو بيمرض عايز تتخيل النبي صلى الله عليه وسلم وهو نايم وبيمرضه وحرارة وتعب - 00:22:16

فمش قادر يقوم يصلي ففي صلاة في صلاة وفي اقامة ويوم وهو مش قادر يصلي. فقال امروا ابو بكر ايه؟ يصلي بالناس وابو بكر يصلي بالناس السيدة عائشة قالت له ابو بكر رجل اسيف - 00:22:32

يعني بيعيط كتير في الصلاة كل ما هيقرأ هيقد يعيط عايزين حد يصلي صلاة من غير ما يعيط. تخيلوا سيدنا ابو بكر كل ما اللي بتقول كده السيدة عائشة وبتقول كده هي دلوقتي بتتكلم يعني بمنطق احنا عايزين الصلاة فاحنا - 00:22:48

كده كله ما هيصلي وهيقد يعيط فالصلاة مش يعني مش هنقعد نخلص واحد دي صلاته في اواخر عهد النبي صلى الله عليه وسلم. يعني مش مسلا انا كنت كده في الاول وبتاع وبعد كده خلاص - 00:23:05

لأهي دي صلاة سيدنا ابو بكر. سيدنا ابو بكر صلاته تتدرس على فكرة يعني سيدنا ابو بكر كان في ايام مكة والموقف ده ما حكيناهوش كان بيته عنده البيت وعنده - 00:23:16

اه في هناك اكنها مسلا ايه جنيئة او بلكونة حاجة كده يعني ملحقة بالبيت اوبن اير ماشي حسين ابو بكر كان بيعمل ايه كان بيطلع في البتاعة دي ويصلي ويقرأ قرآن. هنتكلم على سيدنا ابو بكر الاسيم ده. فيقرأ القرآن. فاهل مكة النساء بقى واطفال وناس - 00:23:29

عضو يجتمع الى واحد عمال يصلي وعمال يعيط ويقعدوا ايه ويقعدوا يجتمعوا فكانوا يروحوا للنبي صلى الله عليه وسلم يقولوا له ايه؟ يعني امر ابو بكر يصلي في بيته تخيلوا سيدنا ابو بكر صلاته كانت عاملة مشكلة للكفار - 00:23:47

قراية بس القرآن كانت بتخلي الناس تجري وتشوف مين ده وبيعلم ايه ويقعدوا يسمعوا فالواحد عايز يسمع فعلا ده هو كان بيقرأ

قرآن ازاي؟ هو كان بيتأثر به قد ايه - 00:24:03

فقال له انه رجل اسيف اخلي حد ثاني يصلي فالنبي صلى الله عليه وسلم قال لهم لا اؤمروا ابو بكر يصلي بالناس خلي بالك النبي صلى الله عليه وسلم في ذهنه قصة الخلافة. مين اللي هيخلو في المسلمين - 00:24:13

والامامة دي يا جماعة حاجة رهيبه يعني عشان بس تبقى فاهم احنا دلوقتي عندنا ميت الف مسجد في اي حد بيصلي مش هي دي القصة. بس انت فاهم يعني ايه في واحد بيصلي في كل المسلمين - 00:24:26

فاهمين عن ايه الامام حقيقة عشان كده النبي صلى الله عليه وسلم كان بيقول انه لو في الجماعة الاولى ما ينفعش يبقى فيه امامين لانه ليه في امامين تمام الفكرة؟ ليه دول مش عايزين ده؟ ده كده في مشكلة ما لهاش دعوة بالصلاة. في مشكلة اصلا في التوافق ما بين المسلمين. فموضوع الامام ده حاجة كبيرة. لو هي امام واحد بس. فاهمين - 00:24:35

فالنبي صلى الله عليه وسلم عارف انا عايز مين اللي يصلي والنبي صلى الله عليه وسلم بعد كده سمع صوت واحد ثاني النبي صلى الله عليه وسلم قال انكن صواحب يوسف. بيقول للسيدة عائشة ايه؟ انكن صواحب يوسف. صواحب يوسف اللي هم مين -

00:24:55

اللي هم امرأة العزيز والنسوة لما مكروا عشان سيدنا يوسف. يعني انتم بتلفوا من ورايا. فالنبي صلى الله عليه وسلم غضب وقال مروا ابو بكر صلي بالناس لا يابى الله ذلك المسلمون فشوفوا النبي صلى الله عليه وسلم غاضب جدا لانه فاهم حساسية الموقف انه المسلمين بعد ما يتوفى يفتكروا هو - 00:25:11

عمر ابو بكر صادق ده سيدنا ابو بكر فعلا جه وبدأ هو اللي يصلي بالناس والنبي صلى الله عليه وسلم وصل لمرحلة انه كان بيخرج ساعات يصلي ورا سيدنا ابو بكر - 00:25:31

ماشي بس اخر ايامه خالص النبي صلى الله عليه وسلم توفى يوم ايه يوم اتنين الايام اللي قبل وفاته خلاص لا هو قعد ما بيخرجش خالص فجه مشهد فجر يوم الاثنين. صلاة الفجر - 00:25:46

يوم الاثنين اللي هو توفى فيه ده سيدنا انس بيحكي حديث تعالوا نقرأه برضو آآ سيدنا انس بيقول ايه؟ ان المسلمين بينما هم في صلاة الفجر من يوم الاثنين وابو بكر يصلي لهم - 00:26:05

لم يفاجئهم الا رسول الله صلى الله عليه وسلم النبي صلى الله عليه وسلم المسلمين بيصلوا وحجرة النبي صلى الله عليه وسلم قدامهم كده فجأة لقوا ايه لقوا النبي صلى الله عليه وسلم كشف ستر - 00:26:27

الحجرة بتاعة السيدة عائشة المسلمين ايه؟ بيصوا لقوا هو بقى له كم يوم تعبان ما بيقومش اصلا فيقوم واقف على رجله واياه وكشف الصدر فقال سيدنا انس فهمنا ان نفتتن. يعني احنا كنا هنسب الصلاة ونروح للنبي صلى الله عليه وسلم - 00:26:41

فالنبي صلى الله عليه وسلم قال ايه فاشار اليهم ان اتموا صلاتكم يعني بدأ يشير عليه. سيدنا انس بيقول وضحك. فتبسم وضحك لقاهم بيصلوا كلهم موجودين صلاة الفجر وهو كده مطمئن - 00:27:01

قلت لك الصلاة هي كل حاجة. الصلاة ميزانة يا جماعة. هي مش فكرة الصلاة فكرة اللي بيصلي ده حافز على الصلاة ده دماغه خلاص متممة. متممة على الدين. متممة على العبودية - 00:27:21

وفاهم ان في ظهر وعصر يبقى لما هعمل حاجة هراعي في حاجة اسمها ربنا في حاجة اسمها انا مخلوق ليه؟ الصلاة بتعب عن انا التزامي بالصلاة بيدل على التزامي ان انا عبد - 00:27:33

خلاص في حاجة اسمها صلاة في حاجة اسمها ربنا في حاجة اسمها تقوى بخاف ربنا فبصلي بحب ربنا فبصلي بعزم ربنا فبصلي. وبصلي في تخيل بقى بصلي في المسجد وبصلي في الاوقات ده واحد - 00:27:45

الالتزام بالصلاة دليل على الالتزام فعلا في عبوديتك. بس الالتزام بالصلاة مش اللي هو انا اسمي بصلي. لا لا الصلاة دي بتاعة الصحابة اللي هو الاذان بياذن فيقوم يتوضأ فيينزل المسجد يصلي. ده عبد يا جماعة - 00:27:57

فالنبي صلى الله عليه وسلم فتبسم ضاحكا. سيدنا انس بيقول كأن وجهه ورقة مصحف. يعني منورة كده. بيقول احنا بصينا وبيقول

سيدنا ابو بكر نكس على عقبه. يعني بدأ يرجع لورا - [00:28:11](#)

عشان النبي صلى الله عليه وسلم يقول يخش امام ما هو مش آآ النبي صلى الله عليه وسلم ايه اشار الي ان اتم صلاته. لأكملوا ثم

ارخى الستر يعني هو اصلا ما خرجش هو بس بص - [00:28:25](#)

مبتسم مقالش ولا كلمة وبعد كده رجع النبي صلى الله عليه وسلم ثاني اخر ده اخر مشهد النبي صلى الله عليه وسلم شاف فيه

الصحابي صلاة. فسيدنا ابو بكر نفسه افتكر انه النبي يعني الصحابة نفسهم استبشروا جدا. يعني النبي وسلم - [00:28:35](#)

والحمد لله وشكله اتحسن فسيدنا ابو بكر نفسه خرج من المدينة يعني سيدنا ابو بكر كان عنده زوجة ثانية في حنة ثانية فسأب  
الصحابة كلهم كانوا قاعدين في المسجد في الاول الفترة دي. فخرج خلاص وفي صحابة فعلا بدأوا ان هم ايه يمارسوا يومهم عادي

لان النبي صلى الله عليه وسلم اتحسن وقام وان شاء الله خير - [00:28:50](#)

فسيدنا ابو بكر خرج من المدينة لما ظن ان هو بيتحسن آآ ولكن النبي صلى الله عليه وسلم هم فهموها غلط فهموا الاشارة دي غلط

وفضل قاعد في بيته. وده اليوم اللي هو توفى فيه - [00:29:14](#)

النبي عليه الصلاة والسلام توفى قبل الظهر. شف احنا بنتكلم على هم صلوا الفجر في ناس خرجت والنبي صلى الله عليه وسلم رجع

ثاني والمرض اشتد جدا جدا وكان في بيته بنته السيدة فاطمة - [00:29:28](#)

فالنبي صلى الله عليه وسلم دعا السيدة فاطمة النبي عليه الصلاة والسلام ما كنش بقى قادر يتكلم اصلا. يعني وصل مرحلة من التعب

بيشاور بس. فده على السيدة فاطمة وقال لها كلام يعني حتى ايه ما وصلناش - [00:29:42](#)

ساعتها ما وصلناش السيدة فاطمة اه قعدت تبكي جدا وهي بتكلمه وبعد كده بتضحك جدا وهي بتسمعه عمالة تبكي جدا وهو

بيكلمها بتضحك جدا وهو بيكلمها وبعد كده السيدة عائشة سألتها بعد آآ بعد فترة يعني سألتها هو آآ كان يقول لك ايه - [00:29:56](#)

السيدة فاطمة بتقول للسيدة عائشة ان هو قال لي انا هموت دلوقتي ان انا هاقبض اليوم تخيل تخيل تسمع تخيل واحدة تسمع كده

من ابوها اللي هو نبي. فهو بيقول لها اللي هيحصل - [00:30:14](#)

وبعد كده قال لها انت اول اهلي لحقا به. انت اول واحدة هتموتي فيهم وتيجي معي فضحكت جدا وفرحت جدا اول واحد لما يبقى

يا جماعة ايه زي ما النبي صلى الله عليه وسلم قال انا فرطكم على الحوض. فرطكم يعني انا يعني انا اول واحد ومستنيكم على

الحوض - [00:30:30](#)

لو واحد ازاستم نفسه ويفهم الحياة دي مرحلة كلنا هنعيش ايه؟ كلنا الله يقول يا الله الذي خلقكم من ضعف. ثم جعل من بعد ضعف

قوة. ثم جعل من بعد قوة ضعفا وشيبة - [00:30:45](#)

فلما الواحد يفهم ايه الحاجة كده يا جماعة كلنا هنعيش فيها كلنا هنكبر كلنا هنعجز كلنا هنتبسط فيها شوية كلنا هيحصل لنا ابتلاءات

شوية فلوس جواز سفر شغل دي اسمها الحياة. بس الواحد يفهم انه الحياة دي مرحلة - [00:30:59](#)

مرحبا. حياة الدنيا مرحلة وبعد كده كلنا هنموت كلنا هنموت فبيتعامل بالحياة مع الحياة دي على انها ايه على انها جزء جزء من

الحياة بقى الكبير وقل يا ليتني قدمت لي حياتي - [00:31:15](#)

ده في الاخر بيقول كده ربنا يقول ان الدار الاخرة لهي الحيوان. الحياة الابدية الحقيقية لما الانسان يفهم دي مرحلة لما يفهم ان دي

مرحلة يبقى بيبقى بيبقى اللي بعدها فعلا يعني طيب اللي بعدها انا عايز منه ايه اصلا؟ ويبقى بيطمع في اللي بعدها فعلا. سيدنا بلال

وهو بيموت - [00:31:31](#)

فرحان وهو بيموت. فرحان وبيقول لمراته ايه؟ غدا القى الاحبة هو عارف انا النبي صلى الله عليه وسلم سيدنا ابو بكر وبكرة هقابل

الناس دي. هو هو ده فاهم هو في ايه؟ هو فاهم هو فين. هو فاهم هو رايح لايه - [00:31:50](#)

اللي بيبقى كده يا جماعة لما بيموت له حد في ناس بنتصدم لما بيموت لها حد. تتصدم بقى وتعيش في وكأن المفروض الشخص ده

ما كانش هيموت هو عايش في وهم انه ايه الدنيا دي! فيه ناس كده صح؟ حياتها بتقف ، عارف الحياة بتقف - [00:32:05](#)

غلط انت ازعل بس مش تقف تقف ليه! هو اصلا مين ده هو اللي مات ده ممكن يبقى دلوقتي مبسوط جدا. ممكن دلوقتي مرتاح جدا.



وممكن يبقى تعيس جدا. انت اصلا لازم بس تبقى شايف الصورة كاملة - [00:32:19](#)

مش نقف بس عند الدنيا الدنيا دي كام قد ايه ستين سبعين تمانين سنة ولا حاجة ويقول هل اتى على الانسان حين من الدهر لم يكن شيئا؟ انت يا ابني كنت عدم. احنا اصلا الاصل ان احنا ما بنبقاش موجودين - [00:32:33](#)

وبعد كده بنبقى موجودين شوية صغيرين قوي اسمهم سبعين سنة. وبعد كده بقى قبور ويوم القيامة وحاجة لو انت عامل كده وخطيت من اول سيدنا ادم لحد ما انت جيت - [00:32:48](#)

وبعد كده انت جيت يعني هو اصلا يقول لك الكون بقى له خمسة مليون سنة وهم بقى لهم خمسة مليون سنة كل يعني كل سنة يقولوا خمسة مليون سنة. الكون بقى له مش عارف ملايين ملايين ماشي وبعد كده - [00:33:06](#)

ستين سنة وبعد كده حياة برزخ ولحد ما الناس ويوم القيامة خمسين الف سنة وبعد كده انفيتي بقى الجنة والنار. ايه دي بقى؟ ايه دي عشان كده ايه آآ ويوم تقوم الساعة يقسم المجرمون ما لبثوا غير ساعة - [00:33:16](#)

والله احنا ما قعدناش حاجة يا جماعة اصل واحد بقى له في يوم من الايام خمسين الف سنة. عارف خمسين الف سنة دي يعني بقى له يعني يعني كم لو هو مسلا عاش مية سنة - [00:33:38](#)

عارف يبقى بقاله كام مرة عايش المهندس هنا معنا استهلك يعني انا قلت مية عشان تتعدل انا قلت تمانين هنعجز كانه قعدت ايه خمس تلاف عمر فهو بيقسم ما لم غير ساعة - [00:33:49](#)

هو فعلا احنا احنا ما عملناش حاجة اصلا. انا لو قلت لك دلوقتي انت عندك كم سنة؟ عشرين. احكي لي عن العشرين سنة. انا فاضي احكي لي عن كل العشرين سنة - [00:34:07](#)

انت هتتكلم ساعة ساعتين والله انت مش فاهم انت انت في حاجات خلاص هي اتعملت وراحت ومش فاكرها ولا كانها حصلت. لا لا الزكري موجودة ولا اللزة موجودة ولا الالم - [00:34:18](#)

ولا حاجة فينا ومش فاكرها. فايه الدنيا دي ايه الموضوع فالنبي صلى الله عليه وسلم الصحابة يا جماعة عايشين للاخرة انا فرضكم على الحوض انا هنتقابل هناك. على الحوض. هخش الجنة هناك مع بعض - [00:34:31](#)

ده اللي يهم فالسيدة فاطمة زعلت جدا وهو بيقول لها ايه انا مش هبقى معكم خلاص وبعد كده فرحت جدا لانه بيقول لها ايه كلها ايام بسيطة وانت اول واحدة تيجي معي - [00:34:45](#)

والسيدة السيدة فاطمة ماتت بعد ست شهور بس ست شهور وخلاص فالنبي صلى الله عليه وسلم لقي احد الصحابة معه سواك مش قادر يتكلم ده ببشاور بس عايز سؤال زي العيش تقوله عايز سواك بيعملها بدماعه اه - [00:34:56](#)

والسيدة عيشة تلبينه له عشان هو مش قادر اصلا انت عارف السواك آآ في الاول بيبقى خشن بس انا ايش هتلاقينهلولو وحكاية تديهولو كان خلاص وصل لمرحلة وخلاص النبي صلى الله عليه وسلم متحركش متكلمش تعبان جدا جدا - [00:35:17](#)

والعجيب انه في في اللحظة اللي هنتكلم فيها دلوقتي دي ما فيش حد معه غير السيدة عائشة وهي واخدة السواك وادتهوله وبعد كده السيدة عيشة وهي بتديه له هي بقت واخدها في حضنها. فالنبي صلى الله عليه وسلم نايم والسيدة عائشة - [00:35:34](#)

على جسمها. تخيل مشهد عجيب جدا يعني. يعني وبعد كده هي تقول انا اللي لقيت النبي صلى الله عليه وسلم عمال يعمل ايه؟ عمال يشاور لفوق ويقول بل الرفيق الاعلى - [00:35:52](#)

باب الرفيق الاعلى وبعد كده السيدة عيشة بتقول ايه وثقلت رأس النبي صلى الله عليه وسلم. لما الانسان روحه بتطلع وجسمه ايه خلاص يتنقل. ثقلت رأس النبي صلى الله عليه وسلم. وبعد كده روحه طلعت النبي صلى الله عليه وسلم وتوفى النبي صلى الله عليه وسلم - [00:36:07](#)

كده عايز تقول ايه المتوفى النبي صلى الله عليه وسلم مات مسلا بين سحره ونحره. هنا المشهد ده المشهد ده يعني مؤسر جدا بس بس فيه حنت محتاج تفكر فيه يعني هو فيه حاجات ساعات تبقى مؤثرة قوي لدرجة ان احنا ما بنلاحزش تفاصيلها - [00:36:24](#)

تفصيلا زي النور كنت متخيل النبي صلى الله عليه وسلم مسلا هيموت وهو ساجد. فاهم النبي صلى الله عليه وسلم هيموت مسلا

وهو يبجاهد لا يعني بلاش الكلاشيهات بتاعة العبودية دي. العبودية عند ربنا هي اي حاجة - [00:36:39](#)

لو جه عند ربنا هي اي حاجة يعني انت عشان تبقى عبد انت بس محتاج ترضي ربنا ايا كان اللي المفروض تعمله افهم ده كويس اه السجود حاجة عظيمة والجهاد حاجة عظيمة والقرآن حاجة عظيمة. بس انت بس انت ما تربطش بس اللي يرضي ربنا بحاجات معينة. عشان كده هي دي اللي جات في بالك - [00:36:57](#)

وفي نفس الوقت حاجات تانية انت مش فاهم ان هي عزيمة وهي عزيمة ان واحد يبقى بيعامل مراته كويس دي حاجة عظيمة ان واحد يبقى قاعد مع اهله وببير اهله دي حاجة عظيمة - [00:37:17](#)

الحاجة التانية اللي انا لسه لحد دلوقتي انا عارف ان هي جواها اسرار بس انا مش مطلعها. النبي صلى الله عليه وسلم قال بل ايه؟ قال الرافعون. الرفيق. ليه ليه ليه قال الرفيق - [00:37:28](#)

ليه الاسم ده ربنا من اسماءه الرفيق. صح النبي صلى الله عليه وسلم قال ايه؟ ان الله رفيق يحب الرفق فانا محتاج اقعد افكر كتير بصراحة ما حضرتش لدي بس ليه ما قالش الرحيم - [00:37:39](#)

ايه القش اللطيف هي دي اسرار. احنا ما نعرفش ربنا. النبي صلى الله عليه وسلم يعرف ربنا لدرجة انه انا دلوقتي محتاج الرفق بتاع ربنا. محتاج ربنا يرفق به ربنا من اسماءه انه رفيق - [00:37:52](#)

الرفق معناه ايه عكس الرفق ايه؟ الشدة الواحد فينا ما يقدرش يستحمل ولا ولا ولا ولا يتعرض ان ربنا يغضب عليه ان ربنا يسخط عليه ان ربنا ينتقم منه احنا محتاجين من ربنا الرفق - [00:38:08](#)

وان الله رفيق يحب الرفق ان انت اصلا تبقى مدرك ان ربنا رفيق دي دي معاملة جميلة قوي بينك وبين ربنا. ربنا بيحب الرفق. ربنا بيرفق اصلا بيتعامل بلطف وبيتعامل بحب وبيتعامل بحنان وبيتعامل بكرم. فالنبي صلى الله عليه وسلم وهو بيتوفى - [00:38:27](#)

وبل معناها ايه معناها ان سيدنا جبريل بيخيره لان النبي صلى الله عليه وسلم قال انه كل الانبياء بيخيروا عند الموت والنبي صلى الله عليه وسلم يقول بل يعني لآ انا مش عايز افضل - [00:38:47](#)

انا عايز اطلع مع ربنا عايز اطلع لاعلى عايزك تتدبر بس النبي صلى الله عليه وسلم استخدم انه اسماء انا عايز ابقى فوق بقى عايز اطلع للجنة فاكر الاسراء والمعراج النبي صلى الله عليه وسلم طلع فوق - [00:39:02](#)

يا اسامة عارف في ايه فهو بيقول له ايه؟ لآ انا عايز اطلع فوق بقى مع اهل السماء مع الحياة اللي بجد. مع النعيم اللي بجد الدنيا دي يعني مقارنة بالآخرة هي بالنسبة لنا الدنيا دي هي دنيا ها؟ عربية فاهم تويوتا. يعني هي الدنيا بالنسبة لنا هي دي الدنيا بتسحرنا جدا - [00:39:14](#)

احنا الدنيا يعني يا ريت يبقى معي الدنيا. ولساني اه مدلل على الدنيا دي انما النبي صلى الله عليه وسلم يعلم حقيقة الدنيا لما عرف يعني ايه آخرة لما عرف فيه ايه هناك - [00:39:35](#)

فلما خير قال ايه؟ لآ انا عايز ابقى فوق عند ربنا النبي صلى الله عليه وسلم هو يعني طب لو هو محتاج رفق احنا محتاجين ايه بقى يعني ده واحد يعني - [00:39:49](#)

ربنا بيحبه قد ايه وعمل قد ايه للدين سيد ولد ادم زي ما قلنا. بس هو عارف ايه انا عايز ربنا يتعامل معي باسمائه هو وانا اقول لك الموقف ده محتاج تتدبر الالفاز دي - [00:40:04](#)

وهو بيقول بل الرفيق الاعلى عايز ابقى فوق وده وده اللي انا عشان كده سورة النجم بتفكرك بمشاهد الاسراء والمعراج واسمها النجم بتفهمك عن المعراج مش الاسراء المعراج واسمها النجم بتقول لك اعلى - [00:40:18](#)

وانت كل دايم انت دائما تقول سبحان ربي الاعلى الاعلى الاعلى. العلو دا لازم تبقى حاجة اصلا انت مستشعر احنا هنا تحت. احنا هنا في الدنيا احنا هنا انت عارف لما يبقى فيه ناس قاعدة في اوتيل الدور اللي تحت غير الدور اللي فوق. دايم العلوم بييجي معه هيبه. بييجي معه - [00:40:34](#)

بييجي معه رقي لازم تبقى فاهم ان احنا مش مخلوقين عشان ده احنا بس هنا ربنا قال ايه؟ آآ اهبطوا بعضكم لبعض ولكم في الارض

مستقر ومتاع الى حين يعني في في ميعاد احنا مش هنا اصلا - [00:40:54](#)

احنا الاصل ان انت تبقى بتطلع لفوق انك تبقى في السماء. تبقى في الجنة. تبقى مع النبيين والصديقين والشهداء. تبقى فوق  
بقي في النعيم بجد ده امتحان دي دنيا شمس وحر وزحمة ومصر وامتحانات دي دنيا في حاجة اسمها جنة في فوق - [00:41:13](#)  
فمحتاج ان انت تبقى عايز اللي فوق ده ربنا يقول خلقنا الانسان في احسن تقويم. بس في واحد دي فعلا بيهين نفسه هو مش عايز  
لنفسه حاجة كويسة فرقول الله ايه؟ ثم ردناه اسفل سافلين ده يبقى تحت بقي - [00:41:37](#)

فانت اخترت لنفسك ايه؟ يعني انت عايز تبقى هنا في الدنيا دي هيشوف ربنا سماها ايه الدنيا وربنا يقول في اكثر من سورة. ايه؟  
عالية دايم دايم اللي قاعد فوق في الادوار اللي فوق دايم ده مرتاح ومتريش ومبسوط - [00:41:53](#)  
الجنة اصلا فوق فوق السبع سماوات فمحتاج تتدبر فكرة العلو ده ان ربنا هو الاعلى وان الجنة عالية وان المؤمن مفروض يستعلى  
بالايمان ده وربنا يقول كده انك انت الايه - [00:42:13](#)

الاعلى بيقول لسيدنا موسى كده. يا موسى لا تخف انك انت الاعلى. فالعلو ده حاجة مهمة قوي النبي عليه الصلاة والسلام عايز يطلع  
فوق بقي خلاص. وقال بل للرفيق الاعلى - [00:42:31](#)

وروحه خرجت فاضت صلى الله عليه وسلم وراسه ثقلت والسيدة عيشة بتقول ايه فجأة لقيته ايه؟ لقيته خلاص ما بيتحركش  
وتوفى النبي صلى الله عليه وسلم. وخرجت السيدة عائشة تقول لهم مات رسول الله صلى الله عليه وسلم. خرجت من الحجرة وفي  
شوية صحابة - [00:42:41](#)

وبعدين مات رسول الله صلى الله عليه وسلم. وانفجر بقي على رياكشنيات الصحابة. عايز بس الفت نزرکم قبل ما اقول مين الصحابة  
دول؟ بالنسبة لهم النبي صلى الله عليه وسلم ايه - [00:42:57](#)

انت ممكن تبقى بتحب النبي صلى الله عليه وسلم. بس خلونا بس نقول الحقيقة هم كانوا بيحبوه بجد يعني انت بتحب النبي صلى  
الله عليه وسلم؟ اه لو واحد من دول قاعد دلوقتي وقلنا آآ يا جماعة النبي صلى الله عليه وسلم - [00:43:08](#)  
كان من السنة انه بيعمل كزا هيقوم يعمل كزا ده من حبه فيه بس. بس مش سواها ايه دي ولا فرز؟ لازم؟ دلوقتي يعني طب انا  
عملتها ما بيفكروش كده كانوا الصحاب - [00:43:23](#)

الصحابة بالنسبة لهم النبي ده حبيينا والنبي ده قدوتنا. النبي ده سيدنا. النبي ده كل حاجة. النبي صلى الله عليه وسلم كان بالنسبة لهم  
كل حاجة. النبي صلى الله عليه وسلم كانت الصحابة لما هو بيتوضى - [00:43:36](#)

كانوا يروحوا يقفوا حواليه عشان المية اللي بتطرطش دي ياخدوها ويعملوا كده. يتبرعوا بها. وهو ما قالش مسلا تبركه بمايتي ولا ولا  
حاجة. هم بيحبوه للدرجة دي النبي صلى الله عليه وسلم سيدنا سيدنا ابن مسعود بيقول انه مرة النبي صلى الله عليه وسلم كان نايم  
في حجري فقعدت اعد فلكيت عند النبي صلى الله عليه وسلم ثلاث شعرات بيضاء. انت فاهم النبي - [00:43:48](#)

انت فاهم علاقته عاملة ازاي به؟ ده اسمه حب احنا ما عاشرنا هوش بس مش معنى كده ان احنا برضه انت ليفل الحب لو ما وصلش  
لمرحلة معينة انت عندك مشكلة في علاقتك به - [00:44:07](#)

يعني انه بقول النبي صلى الله عليه وسلم يغضب من دي. النبي صلى الله عليه وسلم بيزعل من دي. لما لو الكلام ده ما قصرش معك  
يبقى انت عندك مشكلة في صح؟ يعني انا مامتك بتتضايق من دي - [00:44:21](#)

حقيقة انت عندك مشكلة في حبك لامامتك. عشان بس نبقى واضحين يعني. انت مش فارق معك زعلها. ده بجد فانا لما يقول لك النبي  
صلى الله عليه وسلم بيحب بيحب يعني لو انت عملت دي بيحب هو انك تعمل به - [00:44:31](#)

النبي صلى الله عليه وسلم دعا بده. النبي صلى الله عليه وسلم كان يخطب لما حد يعمل ده. الكلام ده لو ما قصرش فيك يبقى انت  
عندك مشكلة معه. الصحابة بقي يا جماعة ما كانش ما فيش حد يعني ما فيش حد - [00:44:44](#)

درس عند اسمعوا كلام النبي وكده خالص خالص سيدنا ابن عمر كان في شجرة في مكان في المدينة فالنبي عليه الصلاة والسلام  
يعدي فيوطي من تحتها سيدنا ابن عمر ده عشان تبقى فاهم وسط كل الصحابي اللي احنا نقوله لهم دول الصحابة هم اللي بيقولوا

كده ده اكثر واحد كان بيتبع النبي صلى الله عليه وسلم - [00:44:54](#)

لو عايز تعرف مين اكثر واحد كان بينتمي عليه السلام هو سيدنا ابن عمر هوب بقى يا جماعة حب بجد يعني فسيدنا عمر الشجرة دي شالوها بعد فترة فكان لما يعدي من مكان للموطي - [00:45:14](#)

هو هو ما بيعملش حاجة غير ان هو بيعمل زي النبي صلى الله عليه وسلم. بيحبه جدا ده حب يا جماعة فدل بقى دلوقتي هيسمعوا خبر النبي صلى الله عليه وسلم طبعاً - [00:45:25](#)

فخرج السيدة قالت له مات يا رسول الله في صحابة في صحابة قعدوا يبكوا والناس وهي يعني وانت بتشوف اه سيدنا علي يقول ايه؟ يقول قاعد في الارض يبكي. سيدنا علي قعد في الارض يبكي - [00:45:40](#)

سيدنا عثمان قعد في الارض يبكي يبكي كله قاعد بيعيط ويبكي عارف الطفل وهو يبكي لانه متضايق من حاجة صحابه عاملين كده يبكوا يبكوا يبكوا والناس مش عارف مش عارف اول مرة يتحط في الموقف ده - [00:46:00](#)

اصحابي قاعدين يبكوا الصحابة بلبوا الصحابة ساكتين ما حدش عارف يقول ايه الا سيدنا عمر كان موقفه غريب شوية سيدنا عمر آآ قال ان رسول الله لم يموت. ما حدش يقول انه مات. عارف لما واحد يخش في في الحالة النفسية في ده - [00:46:14](#)

ما حدش يقول انه مات سيدنا عمر كان يقول كده وبيقول لهم آآ عارفين سيدنا موسى لما راح القرآن سيدنا موسى راح يكلم ربنا فلما كلمه رب. فهو يقول انما ايه؟ انما ذهب يكلم ربه كما فعل موسى. ما حدش يقول انه مات. سيدنا عمر بدأ يعمل كده - [00:46:33](#)

وبدأ آآ يتعصب سبحانه الله الصحابة دخلوا يا جماعة السيدة فاطمة بدأت تبكي وراحت النبي صلى الله عليه وسلم بدأت تبكي على النبي صلى الله عليه وسلم فسبحان الله مشهد يعني - [00:46:53](#)

صعب على الصحابة. مم. افهم انت انت لو فقدت واحد صاحبك ولا مامتك ولا باباك الصحابة فقدوا النبي انت فاهم انا عايز اقول لك ايه ده ابتلاء للصحابة شديد قد ايه يا جماعة؟ يعني انت احنا ما مريناش بده - [00:47:08](#)

فساعات كده ساعات كانوا يهونوا على بعض لما يحصل حاجة يقولوا له يقولوا نفسهم ايه كله يهون. احنا مرينا باسوأ من ده صحاب ولا شاهدوا اللحظة دي. ودي لحزة صعبة جدا جدا جدا - [00:47:24](#)

ابتلاء شديد عايزك تبقى فاهم ان الابتلاءات دي وجدت عشان انت كمان تتصبر بها يعني مين بقى اللي رجع؟ سيدنا ابو بكر ما كانش عارف ما كانش موجود وسط كل ده. سيدنا ابو بكر رجع لقي المشهد ده الصحابة في المسجد ببكوا - [00:47:37](#)

قاعدين سيدنا ابو بكر دخل عند النبي صلى الله عليه وسلم. مسك النبي صلى الله عليه وسلم وقبل النبي صلى الله عليه وسلم. وقال له ايه تبت حيا وميتا. وقال له لا يجمع الله عليك موتتان - [00:47:53](#)

خلاص هي موتة واحدة وخلاص. الموقف ده عجيب سيدنا ابو بكر الاسيف ماشي؟ سيدنا ابو بكر شخصيته على الاقل بمعرفتك دي في السيرة يعني يعني شخصية رقيقة اصلا الموقف ده سيدنا ابو بكر - [00:48:06](#)

ماسك نفسه جدا ودخل واتأكد انه توفى وقبل النبي صلى الله عليه وسلم وقال الكلمتين دول وخرج الصحابة كلهم منهارين خالص ان سيدنا ابو بكر ايه؟ قال من كان يعبد محمد فان محمدا قد مات. خلاص - [00:48:23](#)

ومن كان يعبد الله فان الله حي لا يموت وقرأ الآية بتاعة غزوة احد بتاعة سورة ال عمران ربنا بيقول ايه؟ وما محمد الا رسول. قد خلت الرسل من قبله. افان مات او قتل انقلبتم على اعقابكم - [00:48:38](#)

الصحابة سمعوا الآية دي كأنها اول مرة تنزل. سيدنا عمر يقول انا كأني اول مرة اسمعها. اصل الآية بتقول ايه؟ بتقول الموقف ده وهو ده دور القرآن دور القرآن ان هو انت بتسمع يعني مسلا واحد ابنه بيموت - [00:48:54](#)

فبتيجي تحكي له عن قصة سيدنا الخضر مسلا لما قتل واحد وبعث لنا قتل طفل وبعد كده قال له تحس انه ده يسمع الموقف ده يهدى مع ان الموقف معروف جدا - [00:49:09](#)

وهو بيقرا سورة البقرة سورة الكهف عادي فيوم الجمعة مسلا بس القرآن ده دوره دوره ان هو ربنا يقول ايه وكلا نقص عليك من انباء الرسل ما نثبت به فؤادك - [00:49:19](#)

كذلك لنثبت به فؤادك. القرآن ده دوره احد ادواره الاساسية انه يثبتك ان انت ماشي في الشارع وتشوف حاجة ويحصل حاجة وتتهز وتتحض وتخاف ويحصل حاجة في الرزق وتشوف مسلمين بيحصل فيهم ايه وتشوف في التليفزيون ايه - [00:49:33](#)

نشوف قرآن تيجي تفتحه هتلاقه بيقول لك ولا تحسبن الله غافلا عما يعمل الظالمون. انما نؤخرهم فالقرآن بييجي يثبتك يفكرك تذكرة ذكرى ربنا كان بيسميا كده. رحمة وذكرى لقوم يؤمنون. القرآن بيغفرك. القرآن بيثبتك. القرآن آ - [00:49:49](#)

بقويك فلو انت ما عندكش علاقة مع القرآن انت ضعيف جدا انت عامل زي الورقة كده يخطفه الطائر او تهوي به الريح في مكان صحيح. انت هتبقى هش جدا من غير القرآن ربنا بيقول فاصبر ان وعد الله حق ولا يستخفك الذين لا يوقنون. انت هتبقى خفيف جدا لو ما عكش قرآن - [00:50:11](#)

خفيف جدا يبقى معدي كده على الفيسبوك فيقول لك مش عارف ايه هو صحيح طب هو ليه ربنا خلى مش وانت مش آ شبهة حقيرة جدا تافهة جدا خدتك فوق وتحت - [00:50:34](#)

طب هو فيه حديس بيقول ان النبي مرة قتل واحد وهو يعني وانت ما فيش خالص انت ما عندكش ما عندكش قرآن انت مش قوي. انت الاصل فيك وخلق الانسان ضعيفا. ده الاصل فيك - [00:50:47](#)

القرآن بييجي يخليك كيان بينيك ما عندكش قرآن انت ما عندكش دين فعلا يعني تبقى ضعيف جدا من غير القرآن. وممكن يبقى عندك قرآن زي الصحابة ويحصل موقف شديد. لسه محتاج قرآن - [00:50:59](#)

سيدنا ابو بكر يعني سبحان الله ربنا اختاره ان هو يبقى اثبت الصحابة اقوى الصحابة في المشهد ده بهدوء ومن غير ويروح ويرجع ويثبت كل الصحابة سيدنا ابو بكر لوحده - [00:51:16](#)

لوحده يقوم في كل الصحابة يخطب ويكلمهم كده كده ده موت. كده كده ربنا قال كده كده هو رسول. كده كده احنا بنعبد ربنا. كده كده احنا مكملين فسيدنا عمر - [00:51:31](#)

اه سمع يقول سمعت الاية دي كان عمال يزعق يزعق يقول فايه فقعدت على ركبتني وخلص انا عارف انه مات خالص انا رجعت لرشدي لان الموقف آ لان الاية القرآن كده يا جماعة - [00:51:45](#)

فحرام يبقى عندك قرآن وما عندكش علاقة معهم. حرام. رمضان فرصة عشان يبقى عندك علاقة مع القرآن انت محتاجه ربنا يقول ايه آ ان القرآن شفاء لما في الصدور. شفاء لما في الصدور. انت في الدنيا دي الموضوع صعب قوي يا جماعة في الدنيا دي - [00:52:01](#)

هموم واحزان والم نفسي وناس تضايقت وضغوطات وعايز اعرف ومش عارف حوارات الدنيا دي فيها حوارات الصدر بيبقى فيه امراض والام قرآن ربي بيقول لك هو ده الشفاء لما في الصدور وهدي - [00:52:24](#)

ورحمة للمؤمنين قل بفضل الله وبرحمته فبذلك فليفرحوا. يعني المفروض الحمد لله انا عندي القرآن نطمئن شوية الا بذكر الله تطمئن القلوب تخيل ان انت ما عندكش كل ده تخيل انت ما عندكش كل ده خلاص هتعيش كده - [00:52:39](#)

يعني ما بيقاش فيه فرق كتير ما بينك مش قصدي يعني بس يعني ايه ما بينك وما بين الملحد ليه ؟ هو انا كده كده معلم الايمان مش عندي ومفاهيم الايمان مش عندي. القرآن مش في صدري. فكده ولا كده يعني ايه - [00:52:55](#)

طب انت بتعمل ايه لما تتزق؟ بتعمل ايه لما تتضغط هي بتعمل ايه لما الدنيا تشد عليك المؤمن بيبقى عنده قرآن اللي عنده قرآن يسنده ويثبته فمحتاجين ان احنا نفهم دور القرآن. بص القرآن عمل ايه في كل الصحابة؟ اية واحدة - [00:53:08](#)

اية واحدة عملت ايه في الصحابة موقف صعب زي ده. بس القرآن اقوى من اي حاجة فخلص سيدنا ابو بكر هدى الناس والناس كلها خلاص النبي هيشغل نبي فهم فين دلوقتي؟ هو هو في بيته. في حجة للسيدة عيشة. فعابزين يدفنوا النبي صلى الله عليه وسلم. فالسيدة عائشة قالت لهم النبي صلى الله عليه وسلم قال الانبياء يدفنوا حيث ماتوا - [00:53:25](#)

هنا يدفن هنا هنا يعني هو مات في الحجرة خلاص هتفتحه في الحجرة وهيتدفن هنا وده اللي حصل فعلا فدخلوا على النبي صلى الله عليه وسلم وكفنوا النبي صلى الله عليه وسلم - [00:53:49](#)

آ كفنوا النبي صلى الله عليه وسلم ودفنوه في حجر السيدة عائشة آ بس مش بس ما دفنوه ساعتها يعني هم كفنوا النبي صلى



الله عليه وسلم. وبدأت الناس تخش مجموعات صغيرة تصلي عليها - [00:54:05](#)

نص واحد في الاخر بس تخيل ان النبي صلى الله عليه وسلم والصحابة يخشوا بيصلوا ويمشوا. ويصلوا ويمشوا. يصلوا ويمشوا.

وعلى ما ده خلص بقينا يوم الاربع يعني اتنين ثلاث خلاص الاربع - [00:54:23](#)

هيدفنا بقى النبي صلى الله عليه وسلم وكان معه عدد قليل جدا من الصحابة سيدنا علي سيدنا عباس ودفنه النبي صلى الله عليه

وسلم والجملة دي اللي بتقطع القلب والله. آآ السيدة فاطمة - [00:54:39](#)

بعد ما خلصوا بتقول لهم انتم طابت انفسكم ان تحثوا التراب على وجه رسول الله. بص الكلمة صعبة انتم قدرتم تعملوا كده ازاى؟

بس هنعمل ايه غير كده. هو الموقف صعب. بس هنعمل ايه غير كده - [00:54:54](#)

شفت شفت ازاى الابتلاء صعب على الصحابة؟ هتقعد انفسكم ان تحثوا التراب على رسول الله صلى الله عليه وسلم انما في الاخر الصحابة قدروا يعملوا ده. عبودية يا جماعة استئصال الموقف اللي اصحابه محطوبين فيه. الاية بتقول لهم ده رسول كده ولا كده -

[00:55:10](#)

هو اه رسول الله بس انتم بتعبدوا ربنا في الاخر فالانسان لازم يبقى على قد ما يقدر يعني يخضع فعلا للعبودية دي. استازة سعيدة

السيدة عائشة بتقول ايه انا اسف لسيدنا انس بيقول ايه - [00:55:26](#)

لما كان اليوم الذي دخل فيه رسول الله صلى الله عليه وسلم المدينة اضاء منها كل شئ النبي صلى الله عليه وسلم دخل المدينة يوم

اللاتنين لو فاكرين الهجرة كانت يوم الخميس - [00:55:40](#)

هو فاكرين يعني وصل آآ يوم الخميس المدينة بس ما دخلش المدينة قلنا مرة في المدينة وقعدت تيام ومسجد قباء ارجعوا بقى

ايه ورا يعني انما النبي صلى الله عليه وسلم دخل المدينة يوم اللاتنين - [00:55:52](#)

وقال سيدنا انس ايه؟ بيقول لهم اعملوا لي التابيعين يعني. بيقولوا لما كان اليوم الذي دخل فيه رسول الله صلى الله عليه وسلم اضاء

منها كل شئ. فلما كان اليوم الذي مات فيه اظلم منها كل شئ - [00:56:09](#)

هو دخل نور المدينة توفي ظلمت المدينة. هو بيقول كده يعني. هو كان كل حاجة النبي صلى الله عليه وسلم ده كان اخر مشهد اخر

يوم اخر موقف في السيرة - [00:56:22](#)

وبعد كده صحابي بقى يكملوا حياتهم المسلم ما بيقفش على حد حرفيا العبودية ما بتقفش على حد. فعلا فعلا هو الله هو الحي الذي

لا يموت. والنبي صلى الله عليه وسلم كان بيدعي به الجملة دي - [00:56:36](#)

بيقول له انت الحي الذي لا تموت والانس والجن يموتون بسم الله الحي من الاسماء الرهيبة على طول موجود على طول سامع على

طول شايف على طول معك عشان كده ربنا يقول الله لا اله الا هو الحي القيوم لا تأخذه سنة ولا نوم - [00:56:52](#)

ايه السينة عارف لما تغفل سانية لأ ولا ربنا لا تأخذه سنة ولا نوم. وفي سورة قاف ربنا يقول ايه؟ ولقد خلقنا السماوات والارض وما

بينهما في ستة ايام وما مسنا من لغوب - [00:57:10](#)

ربنا ربنا على طول موجود كل يوم هو في شأن ربنا يرزق ده ويحيي ده ويميت ده ويشفي ده ويمرض ده ويأخذ من ده ويذل ده

ويعزده ده الحي - [00:57:24](#)

سورة غافر هي الاية ربنا يقول ايه هو الحي لا اله الا هو فادعوه مخلصين له الدين. بعد كده ربنا يقول ايه اخر الاية دي ايه؟ اخر الاية

دي عظيم جدا. الحمد لله رب العالمين. الحمد لله ان هو كده - [00:57:39](#)

واحد موبايله مقفول واحد مش سامعك واحد مش فاضي لك واحد مش قادر واحد مش معك واحد مسافر ربنا الحي المسلمين كده

كده هيكملوا حياتهم. والمسلم ما بيقفش على زروف اشخاص في اماكن - [00:57:53](#)

ما تقعدش تعلق شماعات. اصل الشباب مش موجودة. اصل انا كذا. اصل الجامعة كذا. اصل اه رمضان كده. ربنا هو ربنا مش محتاج

رمضان اشترى ربنا ولا مكة عشان تعبد ربنا. ربنا هو ربنا. فالمسلمين كملوا حياتهم عادي جدا - [00:58:06](#)

وكملاوا حياتهم وبدأوا يتشاوروا ويختاروا خليفة والاسلام بقي وكمل زي ما النبي وسلم يعني ودي كانت السيرة كده احنا خلصنا آآ

نبدأ من اول المرة الجاية عشان الناس الجديدة دي - [00:58:22](#)

طيب آآ انا بس يهمني ان انتم آآ احنا طلعلنا بايه؟ اهم حاجة اهم من اهم حاجة طلعلنا بها ان احنا عرفنا النبي صلى الله عليه وسلم.

عرفنا الصحابة والنبي - [00:58:39](#)

النبي صلى الله عليه وسلم والاسلام وحبينا الصحابة والنبي صلى الله عليه وسلم والاسلام ومهم طبعاً ان احنا نبقى اتغيرنا بسبب السيرة. يعني السيرة خلتنى ابقى عايزها مسلم احسن آآ في عباداتي في اخلاقي في افكاري في علاقتي بالاسلام بالنبي صلى الله

عليه وسلم بربنا. دي اهداف السيرة العظيمة - [00:58:49](#)

يعني مش عايز ابقى رخم شوية بس دايماً بقعد افكر يعني اسأل نفسي هل انا لو كنت جوة السيرة يعني لو انا جوة السيرة دي وبتتحكي وانا موجود جواها هل انا ينفع ابقى جواها؟ يعني هل انا ينفع ابقى واحد من الصحابة ومن المسلمين ومن اللي نصرنا

الدين والانصار والمهاجرين والجهاد والاخوة والمواقف الكثيرة اللي قعدنا نقولها - [00:59:10](#)

هل انا على قدر هل انا فعلاً بطبق الاسلام اللي احنا سمعناه ده هل انا ولا انا هو والله الناس دي جميلة جداً يا بختهم وايوة ماشي ما

هو فعلاً جميلة ويا بختهم ودول اهل الجنة وتمام يعني. احنا بقى ايه وضعنا؟ يعني هل لو في - [00:59:34](#)

مسلاً سيرة المسلمين الفين وعشرين هل مسلاً هنذكر بحاجة كويسة انت بقى محتاج ايه اللي جاي سيرتك انت بقى اللي جاية دي

عند ربنا يبقى هو انت واحد من مسلمين. ومن احسن قولاً ممن دعا الى الله - [00:59:49](#)

وعمل صالحاً وقال اني من المسلمين. قل هذه سبيلي ادعو الى الله على بصيرة انا ومن اتبعني فكرة ان انا عايز ابقى واحد من دول

دلوقتي عشان ابقى معهم هناك - [01:00:05](#)

الهدف الاعزم مش ان انا اعرفهم يعني ممكن واحد يموت ما يعرفهمش بس المهم يبقى معهم هناك يا جماعة الصحابة يا جماعة

الانبياء. يبقى مع اهل الجنة. في الجنة. يعني مش فكرة معهم وبس. عايزنا معهم هناك. فاحسن ناس في احسن مكان - [01:00:19](#)

اتمنى ان السيرة تكون ظبطتنا في الحنة دي وساعدتنا. جزاكم الله خيراً. سبحانه اللهم وبحمدك. اشهد ان لا اله الا انت استغفرك

واتوب اليك - [01:00:34](#)